

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ N 1  
7 մայիսի 2014 թվականի**

**«Ուսումնական և գիտահետազոտական աշխատանքների կազմակերպումը  
համալսարանի Եղեգնաձորի մասնաճյուղում» հարցի մասին**

Լսելով և քննարկելով «Ուսումնական և գիտահետազոտական աշխատանքների կազմակերպումը համալսարանի Եղեգնաձորի մասնաճյուղում» հարցը (զեկուցող՝ մասնաճյուղի տնօրեն, տնտեսագիտության թեկնածու, դոցենտ Ս.Վ.Խաչիկյան)՝ գիտական խորհուրդն արձանագրում է. հաշվետու ժամանակաշրջանում մասնաճյուղում իրականացվել են ուսումնական, գիտական, կազմակերպական, մեթոդական ու հասարակական բնույթի մեծ աշխատանքներ, որոնց արդյունքում ապահովվել է մասնաճյուղի բնականոն գործունեությունը և ուսումնագիտական համակարգի անհրաժեշտ զարգացումը:

Ուսումնական գործընթացը բակալավրի կրթական ծրագրով կազմակերպվել է «Կառավարում» (այդ թվում՝ «Զբոսաշրջության կառավարում»), «Ֆինանսներ», «Հաշվապահական հաշվառում (ըստ ճյուղերի)» և «Միջազգային տնտեսական հարաբերություններ» մասնագիտություններով, իսկ մագիստրոսի կրթական ծրագրով՝ «Գործարար կառավարում» և «Ֆինանսներ» մասնագիտություններով՝ մայր բուհի չափանիշներին ու չափորոշիչներին համապատասխան: Բոլոր ստուգարքներն ու քննությունները առկա ուսուցման համակարգում անցկացվում են թեստային, բանավոր, թեստային-գրավոր, իսկ հեռակա ուսուցման համակարգում՝ բանավոր ձևերով: Ամփոփիչ ատեստավորումները կազմակերպվում են մայր բուհում:

2013-2014 ուսումնական տարվա ընթացքում մասնաճյուղի գործունեության մեջ կարևորվել են նոր լսարանային ֆոնդի և մի շարք ենթակառուցվածքների (արխիվ, պահեստ, դասախոսների աշխատասենյակ, ոչ տեղացի դասավանդողների գիշերելու սենյակներ) ստեղծումը, մագիստրոսի և բակալավրի կրթական ծրագրերով գործունեություն իրականացնելու լիցենզավորումը, ուսումնական գործունեության զարգացումը, գիտահետազոտական աշխատանքների իրականացումը, մայր բուհի ստորաբաժանումների հետ համագործակցության ակտիվացումը: Այդ աշխատանքների արդյունքում կարգավորվել են մասնաճյուղի ուսումնակազմակերպական և գիտահետազոտական գործընթացները, ձևավորվել

են համապատասխան ենթակառուցվածքներ, իրականացվել են կրթության որակի ապահովմանը նպաստող ընթացակարգեր:

Հաշվետու ժամանակահատվածում մասնաճյուղում դասավանդել է 30 դասախոս, որից 8-ը հիմնական հաստիքային աշխատողներ են: Մասնաճյուղի 4 դասավանդող ձևակերպվել է հայցորդ մասնաճյուղը տեղացի մասնագետներով համալրելու քաղաքականության շրջանակներում:

Ընդհանուր առմամբ, մասնաճյուղի ուսումնական, գիտական և կազմակերպական գործընթացներն իրականացվել են ՀՊՏՀ կրթական և ուսումնական ծրագրերին, սահմանված ընթացակարգերին և ընդունված կանոնակարգերին համապատասխան:

Ելնելով վերոնշյալից՝ գիտական խորհուրդը **որոշում է՝**

- 1. Մասնաճյուղի 2013-2014 ուսումնական տարվա ուսումնական և գիտահետազոտական աշխատանքների կազմակերպման մասին հաշվետվությունն ընդունել ի գիտություն և կատարված աշխատանքը գնահատել բավարար:**
- 2. Հանձնարարել մասնաճյուղի տնօրենին՝**
  - 1) մեծացնել աշխատանքները ՀՊՏՀ ֆակուլտետների, ամբիոնների և այլ ստորաբաժանումների հետ՝ ուսումնական, մեթոդական, գիտական ու կազմակերպական գործընթացների արդյունավետությունն առավել բարձրացնելու նպատակով,
  - 2) կատարել աշխատանքներ ուսումնագիտական միջոցառումների կազմակերպման և հետազոտության շրջանակների ընդլայնման ուղղությամբ՝ կրթության որակի բարձրացում ապահովելու նպատակով,
  - 3) ակտիվացնել ուսանողների և դասախոսների մասնակցությունը մասնաճյուղին վերաբերող հարցերի քննարկմանն ու որոշումների կայացմանը:
- 3. Սույն որոշումը քննարկել մասնաճյուղի տնօրինության նիստում և իրականացնել միջոցառումներ նշված հանձնարարականները կենսագործելու ուղղությամբ:**
- 4. Սույն որոշման կատարման նկատմամբ վերահսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:**

Գիտական խորհրդի նախագահ

Կ. Լ. Աթոյան

07.05.2014 թ.

ք. Երևան

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ N 2  
7 մայիսի 2014 թվականի**

**«Մարքեթինգի և բիզնեսի կազմակերպման ֆակուլտետի  
դեկանի հաշվետվությունը» հարցի մասին**

Լսելով և քննարկելով «Մարքեթինգի և բիզնեսի կազմակերպման ֆակուլտետի դեկանի հաշվետվությունը» հարցը (զեկուցող՝ մարքեթինգի և բիզնեսի կազմակերպման ֆակուլտետի դեկան, տնտեսագիտության թեկնածու, դոցենտ Թ.Մ.Մկրտչյան, հարակից զեկուցող՝ ստուգող հանձնաժողովի անդամ, ռեկտորի օգնական, տնտեսագիտության թեկնածու, դոցենտ Ռ.Պ.Համբարձումյան)՝ գիտական խորհուրդն արձանագրում է. ֆակուլտետում 2013-2014 ուսումնական տարվա առաջին կիսամյակում ուսումնական և գիտահետազոտական աշխատանքներն իրականացվել են համալսարանի գիտական խորհրդի և ռեկտորատի որոշումներին և հանձնարարականներին համապատասխան: Դեկանատը և ամբիոնները որոշակի գործունեություն են իրականացրել ուսումնական գործընթացը պատշաճ մակարդակով կազմակերպելու, ուսումնական և գիտահետազոտական աշխատանքների որակը բարձրացնելու ուղղությամբ:

Ընթացիկ ուսումնական տարվա առաջին կիսամյակում ուսման առաջադիմությունը ֆակուլտետում կազմել է 83,5%, առկա ուսուցման բակալավրիատում՝ 81,8%, հեռակա ուսուցման բակալավրիատում՝ 80,9%, առկա

ուսուցման մագիստրատուրայում՝ 95,5% և հեռակա ուսուցման մագիստրատուրայում՝ 74,8%: Ըստ մասնագիտությունների ուսման առաջադիմությունը կազմել է. «Մարքեթինգ»՝ 82,8%, «Բիզնեսի կազմակերպում»՝ 80,5%, «Կոմերցիա»՝ 79,6%, «Ապրանքագիտություն»՝ 80,3%:

Ամբիոններն էական առաջընթաց են ապահովել ուսումնական գործընթացը նոր ուսումնական պլաններով և առարկայական ծրագրերով իրականացնելու, ուսումնական և ուսումնամեթոդական ձեռնարկներ ու նյութեր, դասախոսությունների նյութեր պատրաստելու և հրատարակելու գործում: Բարելավվել և ժամանակակից պահանջներին են համապատասխանեցվել բակալավրական և մագիստրոսական առկա մասնագիտությունների ուսումնական պլանները և առարկայական ծրագրերը: Նշված ժամանակահատվածում ֆակուլտետի դասախոսները հրատարակել են 3 ուսումնամեթոդական ձեռնարկ, 90 գիտական հոդված, 1 դասագիրք, 2 մենագրություն:

2013-2014 ուսումնական տարում ֆակուլտետի հեռակա ուսուցման մագիստրատուրան թողարկել է առաջին շրջանավարտները: Ամփոփիչ ատեստավորման հանձնաժողովների որոշմամբ՝ ֆակուլտետի հեռակա ուսուցման 65 մագիստրանտներ ստացել են համապատասխան մասնագիտությունների մագիստրոսի որակավորում, որոնցից 3-ը ստացել են գերազանցության դիպլոմ:

Ֆակուլտետի խորհրդի 6 և դեկանատի 29 նիստերում քննարկվել են ուսումնական, գիտական, մեթոդական, դաստիարակչական, կարգապահական և կազմակերպական բնույթի հարցեր, վերլուծվել են ֆակուլտետում իրականացվող ուսումնագիտական աշխատանքները:

#### **Արձանագրված խնդիրներ**

- 1) Ուսումնական պլանների և առարկայական ծրագրերի նորացման և ժամանակակից պահանջներին համապատասխանեցման հետ կապված խնդիրներ:
- 2) Դասավանդման որակի ու մեթոդների, ուսանողներին մատուցվող նյութի և մատուցման եղանակների հետ կապված խնդիրներ:
- 3) Դասախոսների տարիքային կազմի, դրանով պայմանավորված սերնդափոխության, կադրերի ընտրության հետ կապված խնդիրներ:
- 4) Դասախոսների բեռնվածության ոչ օպտիմալ բաշխման հետ կապված խնդիրներ:
- 5) Ուսումնական և արտադրական փորձառությունների կազմակերպման ու անցկացման հետ կապված խնդիրներ:
- 6) Ավարտական աշխատանքների և մագիստրոսական թեզերի գրախոսությունների որակի հետ կապված խնդիրներ:

Ելնելով վերոնշյալից՝ գիտական խորհուրդը որոշում է.

**1. Մարքեթինգի և բիզնեսի կազմակերպման ֆակուլտետի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:**

**2. Հանձնարարել ֆակուլտետի դեկանատին՝**

- 1) համալսարանի գիտական խորհրդի և ռեկտորատի որոշումները քննարկել ֆակուլտետի խորհրդում և ամբիոնների նիստերում, առկա թերությունների վերաբերյալ մշակել համապատասխան միջոցառումներ՝ դրանց կատարումն իրագործելու ուղղությամբ,
- 2) ուշադրության կենտրոնում պահել ֆակուլտետում վարվող կադրային քաղաքականության, ամբիոնների կողմից դասախոսների ընտրության և համալրման գործընթացը՝ նախապատվություն տալով բանիմաց, ակտիվ գիտահետազոտական գործունեություն իրականացնող, մանկավարժական և մասնագիտական անհրաժեշտ ունակություններ ունեցող կադրերին,
- 3) հսկողություն իրականացնել դասալսումների գործընթացի նկատմամբ, ֆակուլտետի խորհրդում պարբերաբար քննարկել դրանց արդյունքները,
- 4) ամբիոններում աշխատանքներ իրականացնել մագիստրոսական խմբերում դասավանդման մակարդակն ու մատուցվող նյութի որակը բարձրացնելու և բարձրորակ դասախոսական կադրերով ապահովելու ուղղությամբ,
- 5) հսկողության տակ պահել դասամատյաններում ուսանողների հաճախումների և ընթացիկ ակտիվության հաշվառման ու գնահատման գործընթացը, դասաձախողման յուրաքանչյուր դեպք քննարկել դեկանատի և ամբիոնների նիստերում,
- 6) ակտիվացնել խնամարկուների գործունեությունը ուսանողների կարգապահական, դաստիարակչական աշխատանքների և ուսման վարձերի հավաքագրման գործընթացում,
- 7) խիստ հսկողություն իրականացնել առաջին և երկրորդ միջանկյալ ստուգումների անցկացման գործընթացի նկատմամբ՝ բացառելով գործող նորմատիվային պահանջներից ու կանոնադրական նորմերից շեղումները,

- 8) խրախուսել ուսումնամեթոդական ձեռնարկների, խնդրագրքերի, դասախոսությունների նյութերի նախապատրաստման և հրատարակման աշխատանքները,
- 9) ակտիվացնել ուսանողական գիտական ընկերության ֆակուլտետային խորհրդի գործունեությունը՝ առավելագույնս ներգրավելով հետազոտական աշխատանքի ունակություններով օժտված ուսանողներին և մագիստրանտներին,
- 10) հետևել աշխատանքային կարգապահությանը՝ խախտումների ցանկացած դեպք դարձնելով առանձին քննարկման առարկա:

### **3. Մարքեթինգի և բիզնեսի կազմակերպման ֆակուլտետի կազմի մեջ մտնող ամբիոնների վարիչներին՝**

- 1) վերանայել և արդիականացնել բոլոր մասնագիտությունների և մասնագիտացումների ուսումնական պլաններն ու առարկայական ծրագրերը՝ ուղղված գործատուների պահանջների և կրթություն-աշխատաշուկա կապի ամրապնդմանը,
- 2) մշակել և թարմացնել դասավանդվող բոլոր դասընթացների առարկայական ծրագրերը՝ միասնական մեթոդաբանությամբ և կառուցվածքով,
- 3) խրախուսել հայալեզու գրքերի, ուսումնական ձեռնարկների, դասախոսությունների նյութերի, խնդիրների և թեստերի ժողովածուների հրատարակումը,
- 4) բարձրացնել յուրաքանչյուր դասախոսի պատասխանատվությունը դասավանդման որակի բարելավման, ուսանողների ակտիվության գնահատման և անհատական աշխատանքների ղեկավարման գործում,
- 5) հատուկ ուշադրություն դարձնել ամբիոնների պրոֆեսորադասախոսական կազմի սերնդափոխության գործընթացին, ասպիրանտուրայի և դոկտորանտուրայի միջոցով համապատասխան կադրերի պատրաստման խնդրին՝ կարևորելով նրանց ոչ միայն գիտահետազոտական, այլև մանկավարժական ունակությունները,
- 6) ակտիվացնել գիտահետազոտական աշխատանքները, բարձրացնել գիտական հետազոտությունների մակարդակն ու որակը,



- 7) մշակել և կիրառել դասախոսությունների, սեմինար և գործնական պարապմունքների վարման նոր, ժամանակակից արդիական և արդյունավետ մեթոդներ,
- 8) մշակել ուսումնասիրտադրական, գիտամանկավարժական և գիտահետազոտական փորձառությունների նոր ծրագրեր, պատշաճ հսկողություն իրականացնել փորձառության ընթացքի նկատմամբ,
- 9) անմիջական հսկողություն իրականացնել համապատասխան ակադեմիական խմբերում ուսումնական գործընթացի կազմակերպման նկատմամբ, պարբերաբար լսել և քննարկել խնամարկուների հաղորդումները,
- 10) աջակցել վճարովի ուսուցման համակարգում սովորող ուսանողների ուսման վարձի հավաքագրման աշխատանքներին:

**4. Սույն որոշումը քննարկել ֆակուլտետի խորհրդի և ամբիոնների առաջիկա նիստերում ու ձեռնարկել համապատասխան միջոցներ նշված հանձնարարականների կատարման համար:**

**5. Սույն որոշման կատարման նկատմամբ վերահսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:**

ՄԱՍՆԱԳԻՏԱՅՈՒՄ • ՓՈՐՁ • ՀՆԱՐԱՎՎՈՐՈՒԹՅՈՒՆ

**Գիտական խորհրդի նախագահ**

**Կ. Լ. Աթոյան**

**07.05.2014 թ.**

**ք. Երևան**

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհրդի**

**Ո Ր Ո Շ ՈՒ Մ N 3**  
**7 մայիսի 2014 թվականի**

**«Հաշվապահական հաշվառման և աուդիտի ֆակուլտետի  
դեկանի հաշվետվությունը» հարցի մասին**

Լսելով և քննարկելով «Հաշվապահական հաշվառման և աուդիտի ֆակուլտետի դեկանի հաշվետվությունը» հարցը (զեկուցող՝ հաշվապահական հաշվառման և աուդիտի ֆակուլտետի դեկան, տնտեսագիտության դոկտոր, դոցենտ Ա.Վ.Մաթևոսյան, հարակից զեկուցող՝ ստուգող հանձնաժողովի անդամ, ռեկտորի օգնական, տնտեսագիտության թեկնածու, դոցենտ Ռ.Պ.Համբարձումյան)՝ գիտական խորհուրդն արձանագրում է. դեկանատը և ամբիոնները որոշակի գործունեություն են իրականացրել ուսումնական գործընթացը պատշաճ մակարդակով կազմակերպելու, ուսումնական և գիտահետազոտական աշխատանքների որակը բարձրացնելու ուղղությամբ:

Հաշվապահական հաշվառման և աուդիտի ֆակուլտետն իր կազմում ներառում է 2 ամբիոն.

1. «Ֆինանսական հաշվառում» ամբիոնն ունի 14 հիմնական հաստիքային աշխատող, այդ թվում՝ 6 գիտության թեկնածու (որից 4-ն ունեն դոցենտի գիտական կոչում): Համատեղությամբ աշխատում են 5-ը, այդ թվում 2-ը՝ ներքին համատեղությամբ: Հրավիրված դասախոսներից մեկը գիտության թեկնածու է, մյուսը՝ տնտեսագիտության դոկտոր:

2. «Կառավարչական հաշվառում և աուդիտ» ամբիոնն ունի 13 հիմնական հաստիքային աշխատող, որից՝ 1 տնտեսագիտության դոկտոր, պրոֆեսոր, 7 գիտության թեկնածու (այդ թվում 6-ն ունեն դոցենտի գիտական կոչում): Համատեղությամբ աշխատում են 5-ը, այդ թվում 1-ը՝ ներքին համատեղությամբ: Հրավիրված դասախոսներից 3-ը գիտության թեկնածուներ են:

Ֆակուլտետի երկու ամբիոններն էական առաջընթաց են ապահովել ուսումնական գործընթացը նոր առարկայական ծրագրերով իրականացնելու, ուսումնական և ուսումնամեթոդական ձեռնարկներ ու նյութեր, դասախոսության տեքստեր պատրաստելու և հրատարակելու գործում: Բավական աշխատանք է



կատարվել բակալավրիատում 1-ին և 2-րդ ստուգումների որակը բարձրացնելու և սխալները բացառելու ուղղությամբ:

Նույն ժամանակաշրջանում ֆակուլտետի ամբիոնների աշխատակիցները հրատարակել են 1 ուսումնական ձեռնարկ, 15 գիտական հոդված, որից 1-ը՝ միջազգային ամսագրում:

Ֆակուլտետի խորհրդի 8 և դեկանատի 7 նիստերում քննարկվել են ուսումնական, գիտական, մեթոդական, դաստիարակչական, կարգապահական և կազմակերպական բնույթի հարցեր, գիտական խորհրդի հանձնարարականներ, վերլուծվել են ֆակուլտետում իրականացվող ուսումնագիտական աշխատանքները:

Ընթացիկ ուսումնական տարվա առաջին կիսամյակի ամփոփիչ քննաշրջանի արդյունքներով ուսման առաջադիմությունը ֆակուլտետում կազմել է. առկա ուսուցման բակալավրիատում՝ 74,1%, այդ թվում պետպատվերի համակարգում սովորողներինը՝ 86,4%, վճարովի համակարգում սովորողներինը՝ 72,9%, առկա ուսուցման մագիստրատուրայում՝ 90,8%, այդ թվում պետպատվերի համակարգում սովորողներինը՝ 100%, վճարովի համակարգում սովորողներինը՝ 85,9%: Ըստ կուրսերի ուսման առաջադիմությունն առկա ուսուցման բակալավրիատում կազմել է. «Հաշվապահական հաշվառում (ըստ ճյուղերի)» մասնագիտության 1-ին կուրսում՝ 65,6%, 2-րդ կուրսում՝ 68,4%, 3-րդ կուրսում՝ 61,7%, 4-րդ կուրսում՝ 97,3%, (ընդամենը՝ 75,1%), «Աուդիտ» մասնագիտացման 1-ին կուրսում՝ 66,6%, 2-րդ կուրսում՝ 66,6%, 4-րդ կուրսում՝ 93,9% (ընդամենը՝ 75,7%), «Տնտեսագիտական վերլուծություն» մասնագիտացման 1-ին կուրսում՝ 53,5%, 2-րդ կուրսում՝ 80,9% (ընդամենը՝ 65,3%):

Առկա ուսուցման մագիստրատուրայում ուսման առաջադիմությունը «Հաշվապահական հաշվառում (ըստ ճյուղերի)» մասնագիտության 1-ին կուրսում կազմել է 83,3%, 2-րդ կուրսում՝ 95,0% (ընդամենը՝ 88,6%), իսկ «Աուդիտ» մասնագիտացման 1-ին կուրսում կազմել է 86,3%, 2-րդ կուրսում՝ 100% (ընդամենը՝ 93,02%):

Ուսման առաջադիմությունն անհամեմատ ցածր է հեռակա ուսուցման համակարգում: 2013-2014 ուսումնական տարվա առաջին կիսամյակի ամփոփիչ քննաշրջանի արդյունքներով՝ ուսման առաջադիմությունը ֆակուլտետում կազմել է. հեռակա ուսուցման բակալավրիատում՝ 42,2%, հեռակա ուսուցման մագիստրատուրայում՝ 77,2%: Հեռակա ուսուցման բակալավրիատում ուսման առաջադիմությունը ըստ կուրսերի կազմել է. «Հաշվապահական հաշվառում (ըստ ճյուղերի)» 1-ին կուրսում՝ 45,4%, 2-րդ կուրսում՝ 32,3%, 3-րդ կուրսում՝ 34,6%, 4-րդ կուրսում՝ 17,8%, 5-րդ կուրսում՝ 55,1% (ընդամենը՝ 44,0%) իսկ «Աուդիտ» 1-ին կուրսում՝ 40,0%, 2-րդ կուրսում՝ 77,7%, 4-րդ կուրսում՝ 73,9% (ընդամենը՝ 63,9%): Հեռակա ուսուցման մագիստրատուրայում ուսման առաջադիմությունն ըստ կուրսերի կազմել է. «Հաշվապահական հաշվառում (ըստ ճյուղերի)» 1-ին կուրսում՝ 66,6%, 2-րդ կուրսում՝

71,4% (ընդամենը՝ 68,0%), «Աուդիտ» 1-ին կուրսում՝ 88,5%, 2-րդ կուրսում՝ 76,1% (ընդամենը՝ 83,9%):

Ֆակուլտետում 2013-2014 ուստարվա 1-ին կիսամյակում հեռակա մագիստրատուրայի ամփոփիչ ատեստավորմանը մասնակցել են 74 ուսանողներ, որոնցից 2-ը՝ երկտարեցի, իսկ ամփոփիչ ատեստավորման դրական շեմը չեն հաղթահարել 5 ուսանողներ կամ մասնակիցների 6,75%-ը:

Համալսարանից հաշվետու տարում հեռացվել է ֆակուլտետի 10 ուսանող, որից 2-ը՝ առկա ուսուցման բակալավրիատից, 2-ը՝ առկա ուսուցման մագիստրատուրայից, 3-ը՝ հեռակա ուսուցման բակալավրիատից և 3-ը՝ հեռակա ուսուցման մագիստրատուրայից: Ֆակուլտետի ուսանողների 91,19%-ը սովորում է վճարովի ուսուցման համակարգում:

Ֆակուլտետում կրեդիտային համակարգի շրջանակներում մինչև 12 կրեդիտ պարտքով փոխադրված ուսանողները 47-ն են, այդ թվում՝ առկա ուսուցման բակալավրիատում՝ 22, առկա ուսուցման մագիստրատուրայում՝ 0, հեռակա ուսուցման բակալավրիատում՝ 25 և հեռակա ուսուցման մագիստրատուրայում՝ 2 ուսանողներ:

2012-2013 ուսումնական տարում ֆակուլտետի վճարովի ուսուցման համակարգի ուսանողներից ֆինանսավորում են ստացել Հայաստանի երիտասարդական հիմնադրամից՝ 13, «ԱՄԲՈՐ» կազմակերպությունից՝ 3, ՀՕՖ-ից՝ 2 ուսանողներ:

2013-2014 ուստարվա համար Հայաստանի երիտասարդական հիմնադրամ են դիմել 21 ուսանող, որից մասնակի ֆինանսավորում են ստացել 12-ը: 2013-2014 ուստարում ՀՕՖ-ից ֆինանսավորում են ստացել 4, ՀՀ կրթության և գիտության նախարարությունից՝ 5, Բրիտանական հիմնադրամից՝ 1, ՎիվաՍելից՝ 5 ուսանողներ:

2013-2014 ուսումնական տարվա առաջին կիսամյակում ֆակուլտետում սովորող 92 ուսանողների ուսման վարձը զեղջվել է, մասնավորապես՝ առկա ուսուցման բակալավրիատում՝ 42, առկա ուսուցման մագիստրատուրայում՝ 10, հեռակա ուսուցման բակալավրիատում՝ 20 և հեռակա ուսուցման մագիստրատուրայում՝ 21 ուսանողների:

Ֆակուլտետի 2 ամբիոններում սովորում են 8 ասպիրանտ (3-ը՝ առկա ուսուցմամբ, 5-ը՝ հեռակա ուսուցմամբ) և 5 հայցորդ: 2013-2014 ուսումնական տարվա 1-ին կիսամյակում ատենախոսություն է պաշտպանել 6 հայցորդ:

Միաժամանակ, առկա են որոշակի թերություններ և բացթողումներ ուսումնական գործընթացի կազմակերպման, կրթության որակի բարելավման, կրթության նոր մեթոդների կիրառման, ինչպես նաև գիտահետազոտական աշխատանքների կատարման գործում: Այսպես՝ դեռևս բավարար մակարդակի վրա չէ գործնական, լաբորատոր պարապմունքների և ուսանողների հետ կատարվող անհատական աշխատանքների որակը: Միևնույն ժամանակ, ամբիոնները



դասախոսությունների, գործնական և լաբորատոր պարապմունքների անցկացման ժամանակ դեռևս ամբողջությամբ չեն հիմնվում ժամանակակից տեխնիկական միջոցների կիրառման վրա:

### **Խնդիրները**

- 1) Լսարանային խնդիրը:
- 2) Ամբիոնների գիտական և հետազոտական գործունեության ակտիվացում:
- 3) Ուսումնական պլանների արդիականացում՝ դրանք առավելապես հարմարեցնելով գործատուների ժամանակակից պահանջներին: Առարկաների անվանումների հստակեցում:
- 4) Խորհրդակցությունների արդյունքներով հանձնարարականների կատարման արդյունավետության բարձրացում:
- 5) Դասավանդող կադրերի որակի բարձրացում:
- 6) Դասալսումների արդյունքների քննարկում:
- 7) Դասավանդման որակի ու մեթոդների հետ կապված խնդիրներ:
- 8) Ուսումնական և արտադրական փորձառությունների կազմակերպման ու անցկացման հետ կապված խնդիրներ:
- 9) Ուսման առաջադիմության բարձրացմանը խոչընդոտող գործոններ, որոնցից կարևորել ենք քոլեջներից ընդունվողների և զինվորական ծառայությունից վերադարձողների առարկայական տարբերությունների արդյունքում ձևավորվող ցածր առաջադիմությունը, որն էլ իր բացասական դրսևորումն է ունենում ֆակուլտետի ընդհանուր առաջադիմության վրա:
- 10) Գործատուների հետ ուսանողներին աշխատանքի տեղավորելու գործընթացի արդյունավետության բարձրացումը և համագործակցության ընդլայնումը:
- 11) Ֆակուլտետի միջազգայնացմանն ուղղված միջոցառումների շարունակումը:

Ելնելով վերոնշյալից՝ գիտական խորհուրդը **որոշում է.**

1. Հաշվապահական հաշվառման և աուդիտի ֆակուլտետի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:
2. Հանձնարարել ֆակուլտետի ղեկանատին և ամբիոններին՝



- 1) համալսարանի գիտական խորհրդի և ռեկտորատի որոշումները քննարկել ֆակուլտետի խորհրդում և ամբիոնների նիստերում, առկա թերությունների վերաբերյալ մշակել համապատասխան միջոցառումներ՝ դրանց կատարումն իրագործելու ուղղությամբ,
- 2) բարձրացնել խորհրդակցությունների արդյունքներով հանձնարարականների կատարման արդյունավետությունը,
- 3) բարձրացնել ամբիոնների գիտական և հետազոտական գործունեության արդյունավետությունը և աշխատանքներ իրականացնել մագիստրոսական խմբերում դասավանդման որակի բարելավման, բարձրորակ դասախոսական կադրերով ապահովելու ուղղությամբ,
- 4) հատուկ ուշադրություն դարձնել ամբիոնների պրոֆեսորադասախոսական կազմի սերնդափոխության՝ ասպիրանտուրայի և դոկտորանտուրայի միջոցով համապատասխան կադրերի պատրաստման խնդրին՝ կարևորելով նրանց ոչ միայն գիտահետազոտական, այլև մանկավարժական ունակությունները,
- 5) բարձրացնել յուրաքանչյուր դասախոսի պատասխանատվությունը դասավանդման որակի բարելավման, ուսանողների ակտիվության գնահատման և անհատական աշխատանքների կազմակերպման գործում,
- 6) շարունակել դասախոսությունները, գործնական և լաբորատոր պարապմունքները ժամանակակից տեխնիկական միջոցների օգտագործմամբ իրականացնելու գործընթացը,
- 7) հսկողություն իրականացնել դասալսումների գործընթացի նկատմամբ, ֆակուլտետի խորհրդում պարբերաբար քննարկել դրանց արդյունքները,
- 8) հետևողական աշխատանք իրականացնել դասամատյաններում ուսանողների հաճախումների և ընթացիկ ակտիվության հաշվառման ու գնահատման գործընթացների վերահսկման ուղղությամբ, դասաձախողման յուրաքանչյուր դեպք քննարկել դեկանատի և ամբիոնների նիստերում,
- 9) արդիականացնել բոլոր մասնագիտությունների և մասնագիտացումների ուսումնական պլաններն ու առարկայական ծրագրերը՝ բացառելով դասընթացների և մատուցվող նյութի բովանդակության որևէ կրկնություն ինչպես բակալավրիատում, այնպես էլ մագիստրատուրայում,
- 10) ուսանողների փորձառության արդյունավետության բարձրացման նպատակով, հատուկ ուշադրություն դարձնել դրա անցկացման վայրի



- ընտրության և ուսումնասիրությունների ընտրված ուղղությանը վերջինիս համապատասխանության հարցին,
- 11) հատուկ ուշադրություն դարձնել ամբիոններում կատարվող գիտահետազոտական աշխատանքներին՝ բարձրացնելով դրանց մակարդակը և ակտիվացնել համագործակցությունը «Ամբերդ» հետազոտական կենտրոնի հետ,
  - 12) շարունակել ֆակուլտետի միջազգայնացմանն ուղղված աշխատանքները,
  - 13) գործատուների հետ համագործակցության շրջանակներում մշակել ավարտական աշխատանքների և մագիստրոսական թեզերի թեմատիկա և սերտ համագործակցել ուսանողներին աշխատանքի տեղավորելու հարցում,
  - 14) ակտիվացնել ուսանողական գիտական ընկերության ֆակուլտետային խորհրդի գործունեությունը՝ առավելագույնս ներգրավելով հետազոտական աշխատանքի ունակություններով օժտված ուսանողներին և ասպիրանտներին,
  - 15) խթանել ուսումնամեթոդական ձեռնարկների, խնդրագրքերի, դասախոսությունների տեքստերի նախապատրաստման և հրատարակման աշխատանքները,
  - 16) հետևել աշխատանքային կարգապահությանը՝ խախտումների ցանկացած դեպք դարձնելով առանձին քննարկման առարկա,
  - 17) հետևել վճարովի ուսուցման համակարգում սովորող ուսանողների ուսման վարձի գանձումների ընթացքին:

ՄԱՍՆԱԳԻՏԱՑՈՒՄ • ՓՈՐՁ • ՀՆԱՐԱՎՎՈՐՈՒԹՅՈՒՆ

3. Սույն որոշումը քննարկել ֆակուլտետի խորհրդի և ամբիոնների նիստերում ու ձեռնարկել համապատասխան միջոցներ նշված հանձնարարականները իրականացնելու համար:
4. Սույն որոշման կատարման նկատմամբ վերահսկողությունը վերապահել պրոռեկտորներ Պ.Ա.Քալանթարյանին, Մ.Ն.Հարությունյանին և Գ.Ի.Վարդանյանին:

Գիտական խորհրդի նախագահ

Կ. Լ. Աթոյան

07.05.2014 թ.

ք. Երևան

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ N 4  
7 մայիսի 2014 թվականի**

**Միացյալ ամբիոնի անվանման մասին**

Ի կատարումն Հայաստանի պետական տնտեսագիտական համալսարանի խորհրդի 2013 թվականի դեկտեմբերի 25-ի նիստի (արձանագրություն N 8)՝ «Հայաստանի պետական տնտեսագիտական համալսարանի կազմակերպական կառուցվածքում փոփոխություններ կատարելու մասին» որոշման, գիտական խորհուրդը՝ լսելով և քննարկելով «Միացյալ ամբիոնի (կոմերցիայի և բիզնեսի կազմակերպման ամբիոններ) **անվանման մասին**» հարցը (զեկուցող՝ ռեկտոր, տնտեսագիտության դոկտոր, պրոֆեսոր Կ.Լ.Աթոյան),

**ՈՐՈՇՈՒՄ Է.**

ՄԱՍՆԱԳԻՏԱՅՈՒՄ • ՓՈՐՁ • ՀՆԱՐԱՎՎՈՐՈՒԹՅՈՒՆ

- 1. Միացյալ ամբիոնն անվանել կոմերցիայի և բիզնեսի կազմակերպման ամբիոն:**
- 2. Սույն որոշումն ուժի մեջ է մտնում 2014 թվականի հուլիսի 1-ից:**

**Գիտական խորհրդի նախագահ  
07.05.2014 թ.**

**Կ. Լ. Աթոյան**

**ք. Երևան**

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ N 5  
7 մայիսի 2014 թվականի**

**Կրեդիտային համակարգով հեռակա ուսուցման բակալավրիատում  
ավարտական աշխատանք գրելու թույլտվության ստորին շեմ  
սահմանելու մասին**

Լսելով և քննարկելով «Կրեդիտային համակարգով հեռակա ուսուցման  
բակալավրիատում ավարտական աշխատանք գրելու թույլտվության ստորին շեմ  
սահմանելու մասին» հարցը (զեկուցող՝ ուսումնամեթոդական աշխատանքների  
գծով պրոռեկտոր, տնտեսագիտության թեկնածու, դոցենտ Պ.Ա.Քալանթարյան)՝  
գիտական խորհուրդը

**ՈՐՈՇՈՒՄ Է.**

- 1. Կրեդիտային համակարգով հեռակա ուսուցման բակալավրիատում  
ավարտական աշխատանք գրելու թույլտվության ստորին շեմ սահմանել  
71,0 ՄՈԳ-ը (միջին որակական գնահատական):**
- 2. Սույն որոշման կատարման նկատմամբ վերահսկողությունը վերապահել  
ուսումնամեթոդական աշխատանքների գծով պրոռեկտոր  
Պ.Ա.Քալանթարյանին:**
- 3. Սույն որոշումն ուժի մեջ է մտնում ընդունման պահից:**

**Գիտական խորհրդի նախագահ**

**Կ. Լ. Աթոյան**

07.05.2014 թ.

ք. Երևան

## Ք Ա Ղ Վ Ա Ծ Ք

«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհրդի՝  
2014 թվականի մայիսի 7-ի նիստի N 6 արձանագրությունից

ԼՍԵՑԻՆ.-

«Հայաստանի պետական տնտեսագիտական համալսարանում օտարերկրացի ուսումնառողների ուսումնական գերծընթացի կազմակերպման և գիտելիքների գնահատման կարգը» քննարկելու և հաստատելու մասին հարցը:

Զեկուցող՝ ուսումնամեթոդական աշխատանքների գծով պրոռեկտոր, տնտեսագիտության թեկնածու, դոցենտ  
**Պ.Ա.Քալանթարյան:**

ԱՐՏԱՀԱՅՏՎԵՑԻՆ.- Դոցենտներ Խ.Ա.Մխիթարյանը, Գ.Մ.Տերտերյանը:

ՈՐՈՇԵՑԻՆ.-

Հաստատել «Հայաստանի պետական տնտեսագիտական համալսարանում օտարերկրացի ուսումնառողների ուսումնական գերծընթացի կազմակերպման և գիտելիքների





ՀԱՅԱՍՏԱՆԻ ՊԵՏԱԿԱՆ  
ՏՆՏԵՍԱԳԻՏԱԿԱՆ  
ՀԱՄԱԼՍԱՐԱՆ

ՄԱՍՆԱԳԻՏԱՅՈՒՄ • ՓՈՐՁ • ՀՆԱՐԱՎՎՈՐՈՒԹՅՈՒՆ

**գնահատման կարգը»** (որոշումն ընդունվեց բաց  
քվեարկությամբ՝ միաձայն):

**Գիտական խորհրդի նախագահ**

**Կ. Լ. Աթոյան**

**Գիտական խորհրդի քարտուղար**

**Ն. Հ. Դարբինյան**

**07.05.2014 թ.**

**ք. Երևան**



ՄԱՍՆԱԳԻՏԱՅՈՒՄ • ՓՈՐՁ • ՀՆԱՐԱՎՎՈՐՈՒԹՅՈՒՆ